

# **Мусулмонларнинг таназзули сабаб дунё нималарни йўқотди? (9)**

05:00 / 11.03.2017 3248

## **ИККИНЧИ ФАСЛ**

### **Оврўподаги миллатчилик**

#### **Черковнинг мағлубияти мутаассиблик, миллатчилик ва ирқчиликнинг кучайишига сабаб бўлди:**

Миллатчилик, ирқчилик, халқ ва жўғрофий жойлашувга эътимод қилишлик оврўполикларнинг қони ва жони ўрнида юрадиган табиий хусусиятларидан бири бўлиб, улар учун иккинчи бир табиатга айланиб қолган эканлигини юқорида айтиб ўтган эдик. Лекин насронийлик ана шу табиатнинг устидан ғолиб келган эди. Чунки у -ундаги камчиликлар, унинг ўзгартириш ва бузиб кўрсатишларга учраганига қарамай - ҳали ҳам Масихнинг таълимотлари қисман сақланиб қолган эди. Самовий дин қанчалик ўзгартирилмасин ва бузилмасин инсон билан инсон ўртасидаги сунъий тафовутни тан олмайди. у миллат, ранг ва ватанин ажратмайди.

Бинобарин насронийлик дини оврўполикларни дин байроғи остида жамлаган, насроний оламидан битта қабилани яратган эди. Кўплаб халқларни католик черковларига бўйинсундиргани учун ҳам ўта миллатчилик ва муросасизлик мағлуб бўлиб халқлар узоқ вақт давомида бу иллатлардан бехабар яшадилар. Бироқ 1483 – 1526- йилларда Мартин Лютер ўзининг католик черковига қарши машҳур диний ислоҳотлар ҳаракатини бошлаб юборганида ўзи мансуб бўлган немис миллатидан фойдаланишни ўзи учун фойдали деб билди ва бу иши билан у каттагина ютуқларга эришди ҳам. Пировардида католик черкови мағлуб бўлиб халқлар бутунлай озод бўлишади ва ўзларининг ишларида янада эркинроқ ва парокандароқ бўлиб кетишаверади. Оврўпода насронийликнинг фаолияти зим бўлиб кетгач миллатчилик ва ирқчилик авжига чиқди. Дин билан миллатчилик тарозининг икки палласига ўхшаб бир томони оғир келса иккинчи томони енгил келар эди. Дин турган палласи ҳар куни енгиллашиб, унинг рақиби турган палланинг эса оғирлашиб боргани маълум нарса. Британиянинг Америкадаги собиқ элчиси англиялик машҳур жаноб Лорд Лотиан (Lord Lothian) 1938 – йилнинг январида Aligarh университетидаги йиғинда қилган нутқида ана шу тарихий

ҳақиқатга ишора қилған әди.

«Динни ислоҳ этишни даъво қилиб чиққан Лотернинг ҳаракати Оврўподаги маданий ва диний бирликка нутқа қўйгач ана шу қитъа турли хилдаги миллий ҳудудларга бўлиниб кетди, улар ўртасидаги рақобат ва курашлар дунёning тинчлигига доимий хатарга айланиб қолди».

Диннинг таназзулга юз тутиши, дин ва ахлоқ асослари пастлашиб кетишининг натижасида миллатчилик ва ватанпарварлик палласи тош босиб кетади. Лорд Лотиан (Lord Lothian) ўша нутқида шундай дейди:

«Инсон учун зарур муршид, ахлоқий ғояга эришишнинг ягона воситаси ва кишилик ҳаётининг маънавий шарафи бўлмиш дин ўзининг кучини йўқотгани натижасида ғарб олами турли хил миллат ва табақаларга асосланган сиёсий партияларга мафтун бўлиб қолди ва -табиий фанларнинг таъсири туфайли- моддий тарафдан тараққиётга эришишлик энг олий мақсад ва энг буюк орзу эканига имон келтирдилар. Ана шу иш доимо ҳаётнинг чигалликлари ва қийинчиликларини зиёда қилиб бораверди. Ана шу ишнинг яна бир оқибати шу бўлдики Оврўпо ўзининг рухи билан ҳаётининг ўртасини ушбу асрнинг энг катта фалокати бўлмиш миллатчиликдан қутқарадиган даражада бирлаштиришга қийналиб қолди». \* Convocation Adress of Lord Lothian at Muslim University Aligarh

### **Оврўподаги ўта миллатчи гуруҳлар:**

Диний тузумнинг таназзулга юз тутиши ва ўта миллатчиликнинг қайта жонланиши натижасида Оврўпо бутун шарққа қарши ягона ҳарбий полигонга айланиб қолди. Ғарб билан шарқнинг ёки Оврўпо билан ундан бошқа ўлкалар ва иқлимларнинг ўртасини, орийларни улардан бошқа башар жинсидан ажратиб қўйди. Ажрим чизиғининг бу тарафидагилар иккинчи тарафидаги ҳар қандай насл, халқ, маданият, маърифат, илм – фан ва адабиётдан устун туради, биринчи томондагилар хожа ва ҳукмрон бўлиш учун иккинчи тарафдагилар эса итоат қилиш ва бўйинсуниш учун, биринчи тараф боқий қолиш ва равнақ топиш учун иккинчи тараф эса ўлиш ва зим бўлиш учун яратилган деб ҳисобланар әди. Айнан ана шу нарса ўз даврида юнонлар ва римликларни фарқлатиб турган. Зотан улар ўзларидан бошқаларни тарбияли деб ҳеч ҳам ҳисобламас эдилар. Улар барча нарсани ғариб деб, айниқса, Атлантика уммонининг шарқида воқеъ бўлган ҳар қандай ишни маданиятсизлик деб атар әдилар.

Ташқаридан келган ва бегонага тегишли бўлган ҳар қандай нарсага қарши қаратилган ана шу миллатчилик ва тарафкашлик руҳиятининг натижасида оврўпонинг айрим халқлари масиҳий динига ва Масиҳга ўз юртларидан дафъ этиб ундан қутилишни истаганлари бир мусибат ва баҳтсизлик сифатида қарай бошладилар. Бу нарса Олмон ўқитувчиларидан бири профессор Этруни айтган ушбу сўзларда намоён бўлади:

«Бизнинг фарзандларимиз нима учун бегона халқларнинг тарихини ўрганишлари керак? Иброҳим ва Исҳоқ ҳақидаги қиссаларнинг уларга нима кераги бор? Бизнинг илоҳимиз ҳам олмон миллатидан бўлиши лозим».

Олмонияда Масиҳ алайҳиссалом Бани Исроилдан бўлганликлари учун у кишини тан олмайдиган бир гурӯҳ пайдо бўлди. Унга муҳаббат ва эҳтиром ила итоат этиб юрадиганлари ҳам унинг Орийлар сулоласидан бўлганлигини исботлашга уринадилар. Олмонияда қадим замонларда олмон халқи ибодат қилиб ўтган қадимий миллий олиҳаларни қайта тиклашга бўлган ҳаракатлар пайдо бўлди.

Руслар ҳам ўта миллатчилик ва ватанпарварлик борасида ўзларининг эски рақибларидан қолишмайдилар. Зотан Россияликлар ҳозирги асрдаги жуда кўплаб буюк кашфиётларни руслар яратган дея эътиқод қиласидар.

Бинобарин жисмларнинг таркиб топиши ҳақидаги маҳсус қонуннинг ихтироси Лавуазье эмас аксинча у рус олимни Михайил Ломоносовга тегишли бўлган нарсани ўзлаштириб олгандир. Электр токидан ёритиш учун фойдаланишни Эддисон бошлаб берган эмас. Зоро россиялик Люгин ундан олти йил муқаддам бу нарсани кашф қилган ва ҳоказолар. «Правда» газетасиининг нашр қилишича рус олимлари телеграфни Морсдан олдинроқ ихтиро қилганлар ва шатакка оловчи кемани Стивенсондан олдинроқ ҳаракатга келтирғанлар ва шу каби миллатчилик ва Россияни муқаддаслашдан бошқа омиллари йўқ бўлган ишлар.

### **Миллатчилик касалининг исломий ўлкаларга юқиши:**

Бутун оламни Исломга даъват қилиш ишларига бошчилик қилиши, ўз даврида тинчлик ва хотиржамлик рисоласининг ижроҳиси, миллатчилик ва ватанпарварликка қарши мустаҳкам жабҳа бўлиши керак бўладиган ва умид қилинадиган мусулмон ўлкаларга ҳам ана шу миллатчилик касалининг кириб келиши кишини изтиробга соладиган ва афсуслантирадиган ишлардандир. Бунга ўша ўлкаларда диннинг

таназзулга юз тутиши, Оврўпача одоб – ахлоқ ва ғарбча маданиятдан таъсиrlаниш сабаб бўлган. Зотан сиз туркларда турончиликни, ўзларининг эски жоҳилияtlарини, одоб – ахлоқ ва маданиятларини қайта тиклашга бўлган чақириқни, арабларнинг қўллари билан тарқалган Исломга, Ислом шариатига, маданияти ва тилига худди олмонларнинг орийлар наслидан бўлмаган анбиёлар келтирган динларга, юксак одоб – ахлоқ ва маданиятга янгича назар билан қараганлари сингари қараганларини кўрасиз. Зотан навқирон Туркияning айrim мутафаккирларининг эътиқод қилишларича Ислом туркларга тўғри келмайдиган бегона тасодифий диндир. Улар ўз ота – боболари Ислом динини қабул қилишларидан аввалги қадимий мажусийликларига қайтишлари авлороқдир. Ёзувчи Холида Адип хоним одоб – ахлоқ ва тарбия жиҳатидан янги Туркияning энг буюк асосчиларидан бири «Зиё Кўк Алаб» ҳақида шундай дейди:

«Зиё Кўк Алаб усмонли турклар билан боболари туроний туркларнинг ўртасини бирлаштирадиган янги Туркияга асос солмоқчи бўлди. У Исломдан олдинги турклар даврида мавжуд бўлган сиёсий ва маданий қонун – қоидалар ҳақида ўзи жамлаган маълумотларга таяниб маданий ислоҳот олиб боришни истар эди. Зиё араблар олиб келган Ислом бизга тўғри келмайди, биз жоҳилият давримизга қайтмайдиган тақдирда ўзимизнинг табиатимизга тўғри келадиган қилиб диний ислоҳот олиб боришимиз керак, деб ишонар ва эътиқод қилар эди». (Холида Адип Хонимнинг Дехли миллий университетидаги маъruzalariдан).

Ана шу ҳаракатнинг сўнги вақтларга келиб туркларда, шунингдек эронликларда мавжуд эканлигига шубҳ қилмаса ҳам бўлади:

Марҳум амир Шукайб Арслон – бу киши узоқ вақт Туркияда истиқомат қилгани сабаб араблардан ташқари туркларга тааллуқли масалаларни жуда ҳам яхши билар ҳамда халқ мажлисининг аъзоси бўлган эди, – шундай дейди:

«Бу ёқда иккинчи бир гурух ҳам бор эдики у ана шу назарияларнинг барчасида биринчи гуруҳ- яъни, исломий усмонли миллатини даъво қиладиган гуруҳ- га мухолиф эди. Бу гурухнинг энг машҳур ташвиқотчилари Зиё Кўк Алаб, Россиядан келган Аҳмад Оғаев ва Юсуф Оқшуро, Жалол Соҳир, Яҳё Камол, Ҳамдуллоҳ Субҳиё раис, Жоқ (Турк Бурдий), миллий шоир Муҳаммад Аминбек ва кўпгина адиллару мутафаккирлар, кўплаб талабалар ва янги авлодлар эдилар. Ана ўшалар туркларни Ер юзидаги энг қадимги ва энг буюк халқлардан бири,

маданиятга биринчилардан бўлиб эришганлардан, улар билан мўғил миллати аслида битта ва битта бўлиши ҳам керак дея даъво қиласар эдилар. Улар буни Турон жамияти деб атар эдилар. Улар Сибир, Хитойнинг Туркистони, Форс, Кавказ, Онадўл ва Ромаллидаги турклар билан чекланиб қолмадилар балки уларнинг пойдеворлари Хитойдаги мўғуллар, Оврўподаги Мажор ва Финландларгача чўзилди. Бунинг барчасига уларнинг асли турон экани айтилар эди. Уларнинг гаплари биринчи тоифаникidan фарқ қиласар эди. Зотан, улар энг аввало турк кейин мусулмондирлар. Уларнинг шиорлари динга эътиқод қилмаслик мусулмон жамиятига эътиборсиз бўлиш эди. Аммо ўша жамият турон миллатининг нуфузи учун хизмат қиладиган бўлса ана ўшанда ундан ғоя эмас восита сифатида фойдаланишин истар эдилар. Ана шу турончилик гуруҳининг кўпгина вакиллари ғулувга кетиб юбордилар ҳатто: «Бизлар туркмиз. Шудай экан бизнинг Каъбамиз Турондир», дедилар. Улар Чингизни мақтаб қўшиқлар айтар, мўғулларнинг ғалабаларидан фахрланишар, уларнинг ҳеч бир ишларини қоралашмас, ёшлар улар билан фахрланиб юрсинглар учун Чингиз олиб борган уришлар ҳақида шеърлар битар эдилар.»

Яна шундай дейди:

«Яна шу нарсани қўшимча қилиш керакки, кейинги замонларда оврўполикларга тақлид қилган ҳолда бу аср ҳеч кимга сир бўлмаган миллатчиликлар асри бўлгани учун ҳам форслардаги миллатчилик олдингиларидан кўра кучлироқ тус олди. Бу худди туркларнинг ишларига ўхшар эди. Форс ёшларидан кўплари қадимги форсларнинг дини ҳақида изланишлар олиб боришга тушдилар. Бу ота – боболарининг ибодатлари, улар ибодат қилган оқ бўри ҳақида изланишлар олиб бориб ҳатто ўзларининг баъзи янги китобларида уни тасвиrlашган турк ёшларининг ишига ўхшар эди. Уларга Шайхул Ислом марҳум (Мусо Козим) –бу гапни менга унинг ўзи айтиб берган- уларга: «Албатта, арабларнинг мана шунга ўхшаган баданларни титратадиган ибодатлари бор эди. Аммо улар Исломга кириш билан улардан воз кечгандилар. Улар Аллоҳнинг уларга кўрсатган лутфу инояти, ўша тубанликлардан қутқариб уларнинг даражаларини юқори қилгани билан фахрланиб юрар эдилар. Сизлар эса Борий таолога эътиқод қилишни унугиб оқ бўрига ибодат қилиш ҳақида сўзлаяпсизлар. Бас, афсуслар бўлсин», деган эди».

«Форслар ҳам турклар сингари иш олиб бордилар. Уларнинг авлодлари қадимги динлари ҳақида изланишга тушдилар. Шулардан бири гаюмартия (нурни улуғлаш) ва зулматдан сақланишдир. Уларнинг оловга ибодат

қилишлари ана шундан келиб чиқсан эди. Яна бири Аллоҳнинг ягоналигига даъват қиласиган (зардўшийлик) фирмаси эди. Уларнинг айтишларича Аллоҳ нур билан зулматнинг холиқидир, яхшилик ва ёмонлик ана шу иккаласининг бирлашувидан келиб чиқиб пайдо бўлади, агар ана шу иккаласи бирлашмаганида эди олам мавжуд бўлмаган бўлур эди ва ҳоказо дуализм, зардўшийлик ва монийлик сингари қадимги форсларда мавжуд бўлган ақидалар, ғайритабиийликлар ва асарлар. Ёшлар орасида даҳрийлик ва ҳурфиксаликка даъват қиласиган маздакийлик борасида изланиш олиб бораётганлар ҳам бор эди».

### **Оврўподаги маҳаллий дин ва унинг арконлари:**

Бу йўлда қўйилган иккинчи қадам шу бўлдики Оврўподаги халқлар ва давлатлар, кичикларию катталари, мустақил бир оламларга айланиб қолдилар. Улар оламни табиат чизиб қўйган тоғу тошлар ва дарёлардан, ёки ўз қўллари билан чизган сиёсий ғоя ва мустамлакачиликдан бошқа нарса эмас деб билар эдилар. Ўзлари яшаб турган минтақадан бошқа жойларда инсонлар мавжуд бўлишини эътироф этишмас, шунинг учун ҳам уларни ҳурмат қилмас ва танимас эдилар. Улар ўзларини ихлосманд бандалар адо этадиган ибодатнинг барча кўринишлари билан ибодат қилинадиган ва улуғланадиган бир илоҳ қилиб олдилар. Улар бошқаларнинг қонларини, жонларини, моллари ва диёрларини, унинг йўлида жанг қилишни, унга итоат этишда фидокор бўлишни, унинг учун ўлиб тирилишни ҳалол қилдилар. Ана шу маҳаллий дин икки нарсани ўзига қамраб олган эди: ийжобий ва салбий. Ийжобийси ҳақида гапирадиган бўлсак, бу халқ ёки миллатнинг барча нарсадан устун ва афзал деб, Аллоҳ –агар миллат Уни эътироф ва эътиқод қиласиган ёки ана шу калимани ишлатишда манфаат бор деб биладиган бўлса, - бу халқдан кўра афзалини, аслзодасини, ақллиси ва кучлисини, бошқа миллатлар устидан ҳукмронлик ва хожалик қилишга, оламни назорат қилиб туришга ҳақлироғини яратган эмас деб, улар ер юзида Унинг амини, вакили ва васийси деб, У ушбу ўлкалардан кўра Ўзи учун энг суюклироқ бир ўлкаларни, унинг тупроғидан кўра покиза тупроқни яратган эмас деб эътиқод қилиш эди. Бу ўша маҳаллий дин бўлиб бирор бир инсон унга иймон келтирмагунига қадар бу диёрда яшамоғи мумкин эмас эди.

Оврўпонинг ҳозирги халқлари ва давлатлари ана шу маҳаллий дин борасида бир – биридан фарқ қилмайди. Ўртадаги фарқ уни ошкора қилиш ва нифокда, баъзилари айтиб амалда бажариши ва баъзиларининг айтмасдан туриб амалда бажаргандаридир, холос. Зотан миллатчилик уруғи бир ерга ташланадиган бўлса, унинг ўша ерда униб – ўсиши ва охирида халқقا соя солиб турадиган улкан дарахтга айланиши шубҳасиздир. Ҳеч бир халқнинг миллатчиликка ишониши кейин эса ҳаддидан ошмаслиги ва бошқаларга ҳужум қилмаслиги ёки шу ишни ирода қилмасликлари, бошқаларни ёмон кўрмасликлари ва хорламасликлари мумкин эмас. Бу худди бир одамнинг ҳамрни кўп ичиб маст бўлмаслиги ва алжирамаслиги мумкин эмаслигига ўхшайди. Бир шоир шундай деган эди:

Икки қўли боғланган  
Бандани сувга отиб  
Деди: «Ўзинг асрагин  
Қолмагин сувга ботиб!».

Хусусан илм, адабиёт, шеърият, фалсафа, тарих ҳатто табиий фанлар ҳам миллатчилик туйғуларини, шовинизмни, ўз миллати билан кеккайишни, ота – боболар билан фахрланиш ҳамда ўтмишни улуғлашни пайдо қилишга кўмакчи бўладиган бўлса, ахлоқ ва дин сингари бу ишдан қайтаргувчи омил йўқ бўлса, раҳбарлик миллатчиликдан бошқасини билмайдиган бўлса, миллий ютуқлар кўзда тутилган ғоя бўлса (ҳаддан ошмаслик ва бошқаларга ҳужум қилмаслик ёки шу ишни ирода қилмаслик, бошқаларни ёмон кўрмаслик ва хорламаслик мумкин эмас). Миллатчиликка асосланган бундай ҳаёт бошқаларни ёмон кўриш ва қўрқишга асосланган бўлади. Маҳаллий диннинг салбий томони ана шудир. Чунки халқ ўзи ёмон кўрадиган ва қўрқадиган нарсани кўрмагунича унда миллатчилик пайдо бўлмайди ва боқий ҳам қолмайди. Ана ўшандай пайтда раҳбарлар унинг яшириниб ётган туйғуларини ҳаракатга келтирадилар, унинг ҳамиятини кўзғайдилар, ҳассос тор бўлмиш ёмон кўришлик ва қўрқувнинг торини чертадилар. Агар ана шу иккаласи бўлмаганида эди албатта миллатчиликнинг булути тарқалиб кетган ва унинг сели изига қайтган бўлар эди.

Профессор С.Э.М.Жоуд ана шу нарсани рухий – фалсафий жиҳатдан таҳлил қилиб шундай деган:

«Муштарак ва осонлик билан ҳаракатга келтириш мумкин бўлган ҳис – туйғулар бу нафрат ва қўрқув туйғулари бўлиб, бу туйғу катта – катта оломонни ҳаракатга келтира олади. Раҳм – шафқат, саховат, меҳр – оқибат ундаи эмас. Зотан қандайдир ғоя учун бирор халқнинг устидан ҳукмронлик қилмоқчи бўлганлар ўша халқ ёмон қўрадиган ва қўрқадиган нарсани излаб топиб пайдо қилмагунларича ўз мақсадларига эриша олмаганлар. Мен халқларни бирлаштиришни истасам улар учун бошқа бир сайёрада – масалан, ойда,- ана шу халқларни қўрқувга солиб турадиган қандайдир душманни ихтироъ қилишим керак бўлади. Ҳозирги даврдаги миллатчи ҳокимиятларга уларнинг ўз қўшниларига муомала қилишларида нафрат ва қўрқув туйғулари туфайлигина эргашилаётганидан ажабланмаса ҳам бўладиган бўлиб қолди. Зоро уларнинг раҳбарлари ўша туйғулар билан яшайдилар ва миллий иттифоқчилик ҳам ўша туйғулар сабабли куч – кудратга тўлади».

### **Миллатлараро низолар ва урушларнинг Исломдаги ечимлари:**

Ҳақиқатдан ҳам халқларнинг муаммолари, урушлар масаласи ҳамда элатлараро низоларни ҳал қилиш учун профессор С.Э.М.Жоуд илгари сураётган йўл адолатли ечим ва маъқул келадиган кўрсатмадир. Зоро миллатлар ва элатларнинг бир бирларига нисбатан бўлган адоватларини йўқотиш учун ўзларидан бошқа бир душман бўлиши ва ўша душман бу миллатлар ва элатларнинг ҳаммаси учун адоватда бўлиши, ҳаммалари тарафидан ёмон кўрилиши ва қўрқилиши, ўша душманга қарши курашда буларнинг ҳаммалари ҳамкорлик қилишлари керак бўлади. Лекин бу нарса учун ихтиро ва яратишнинг кераги йўқдир. Ой ва Марс каби ўзга бир сайёralарда қандайдир душманни вужудга келтиришликнинг ҳам лозим жойи йўқ. Энди, узоқ бир макондан қўллари қандоқ етсин?! Шундай қилиб дийн инсон зоти ва Одамнинг зурриёди учун ана шу душман ернинг ўзида мавжуд эканидан огоҳлантиради. Энди ҳар қайси инсон уни ўзига душман тутиши, ундан сақланиши, ўз навидан бўлган авлодлар билан унга қарши курашишда, душман тутишда ҳамкорлик қилиши тўғрироқ бўлади. Қуръон шундай дейди:

**«Албатта, шайтон сизга душмандир. Бас, уни душман тутинг. У ўз гурухини фақат ўта қизиган дўзахга эга бўлишларига чақиради»,**

**«Эй иймон келтирғанлар! Исломга тұлиғича кириңг. Ва шайтоннинг изидан әргашманг. Албатта, у сизга очиқ душмандир».**

Ислом кишилик дунёсини фақатгина икки қисмға тақсим қиласы:

Аллоҳнинг дўстлари ва шайтоннинг дўстларига. Ҳақиқатнинг ансорлари ва ботилнинг ансорларига. Жиҳод ва урушлар ана шу ботилнинг ансорлари ва шайтоннинг дўстлариға қарши улар қаерда бўлмасинлар ва ким бўлмасинлар фарз қилган, холос. Зотан Қуръон: **«Иймон келтирғанлар Аллоҳнинг йўлида жанг қилурлар. Куфр келтирғанлар тоғутнинг йўлида жанг қилурлар. Бас, шайтоннинг дўстлариға қарши жанг қилинг. Албатта, шайтоннинг ҳийласи заифдир»**, дейди. Тарих улардан кўра баракалироқ, улардан кўра қон камроқ тўкилган ва жонлар камроқ ўлдирилган ушбу урушларнинг мислини кўрган эмас. Бу урушлардан кўра инсоният учун фойдаси умумийроқ, яхшилиги муштаракроқ ва ҳаммага саодат келтирадиганроқларининг гувоҳи бўлган эмас. Зоро ҳижрий иккинчи йилдан бошланиб ҳижрий тўққизинчи йилга қадар давом этган барча урушларда икки тараф (кофиirlар ва мўминлар)дан ўлганларнинг сони 1018 нафардан ошмайди. Шулардан 259 таси мусулмон ва 759 таси кофиirlар бўлган. (\* Биз ушбу рақамларни келтиришда машҳур “Сийратун набавия” асарининг муаллифи қозий Муҳаммад Сулаймон ал Мансурнинг ҳисоб китобларига таяндик. Бу кишидан бошқа муаллифларнинг ҳисоб китоблари эса бундан ҳам камроқ ададни ифодалайди). Энди 1914 1918 йиллардаги Жаҳон урушида жабрланганларнинг сони энг тўғри нақлга асосан 21 000 000га етади. Шулардан 7 00 000 нафари ҳалок бўлган. Жаноб Макстон Англия парламентининг аъзоси 1939 йилдаги иккинчи жаҳон урушида жабрланганларнинг сони 50 000 000 дан оз эмас дейди. Биринчи урушда қатнашган биргина одамнинг харажати учун ўн минг фунт керак бўлган. Барча нафақаларнинг миқдори эса 37 000 000 000 фунтга бориб етади. Иккинчи урушнинг бир соатлик харажатлари эса 1 000 000 фунтга тушган бўлган. (\*Жаноб Е. Н . Tawansend инглиз тилида нашр этиладиган кундалик газета “Хинди斯顿”да (1943 йил 31 январ сони) Жаҳон урушида жабрланганларнинг сони 37 513 886 нафардан кам бўлмаган. Уларнинг 8 543 515 нафари ҳалок бўлган, деб ёзади).

Бундан ташқари Исломдаги диний урушлар қон тўкилишининг олдини олар, молу жонларга талофат этишини истамас, ўзидан кейин оламга баҳту саодат ва хурсандчилик даврини бошлаб берар эди. Аммо биринчи жаҳон уруши деб ном олган аҳмоқона уруш эса урушлар силсиласининг дебочаси бўлган. Ўша пайтда Англиянинг бош вазири ва биринчи жаҳон урушининг қаҳрамони бўлган жаноб Льюд Жоржнинг сўзларини сизга

ҳавола қиласиз:

«Агар саййидимиз Масих оламга қайтиб келганида эди бор йўғи озгина яшаган бўлар эди. Чунки у икки минг йилдан кейин ҳам ҳали ҳануз ёмонлик ва вайронкорликка, жангу жадалга, талон тарож ва босқинчиликка берилган инсонни кўради. Ҳатто тарихдаги энг катта уруш ҳам инсониятнинг жонини сўриб олди, экин тикин ва наслни ҳалокатга элтди ва одамлар очарчиликка мубтало бўлдилар. Қизик, жаноби Масих нимани кўрар экан а? Худди ака укалар ва оғайнилар сингари бир бирлари билан салом алиқ қилаётган одамларни кўрармикин? Йўқ. аксинча у аввалгилардан кўра урушга қаттиқроқ ҳозирлик кўраётган, аввалгилардан кўра босқинчироқ ва азоб бергувчироқ бўлган инсонларни кўради. Уларни дўзахи асбобларни ихтиро қилаётганларини, янгидан янги азоб бериш воситаларини яратадиганларини кўради».

Ушбу халқларнинг ўзаро уруш ва адватлар билан машғул бўлишлари, ана шу миллатчилик ва ватансеварликнинг барчаси ана шу халқларни ўзларининг ҳақиқий душманларига қарши курашишдан тўсиб қўйисин ва ёдидан кўтарилсан учундир. Зотан олов ёқадиган нарсани топа олмаса ўз ўзини еб битиради. Бу ҳақда жоҳилият шоирларидан бири шундай деган эди:

Уриш учун одам топа олмасак,

Ўз оғамиз Бакрга ҳамла қилдик.

Шундай экан агар у халқ ўз душманини таниб олса, унинг ўзига берадиган зарарини билиб оладиган бўлса, унинг хатари ва куч қудратини яхши билса бу нарса уни ҳар қандай уруш ва адватдан, қизғанчилик ва низодан, нафрат ва ҳамиятдан ҳамда сохта меросдан тўсиб турган бўлар эди. Қадимда арабларнинг бир гапи бўлар эди: «Адоват вақтида гина кудуратлар унут бўлади». Мұхаммад соллаллоҳу алайҳи васаллам Мадинадаги Авс ва Хазраж, Жазирадаги Бани Аднон ва Баниқ Қаҳтон ҳамда оламдаги бир бирларидан олисда бўлган миллатлар сингари қиличларидан қон томиб турган бир бирлари билан адватда бўлган араб қабилалари билан худди шундай йўлни тутиб, уларни куфр ва жаҳолатнинг қаршисида битта уммат ва битта лашкар қилиб қўйдилар. Чунки у зот уларга ўзларидан бўлмаган улар ёмон кўрадиган ва душман тутадиганларни кўрсатиб бердилар. У ҳам бўлса ноҳақлик ва тоғут, унинг тарафдорларию вакиллари эдилар. Уларни ўшаларга қарши уриш қилдириш орқали ўзаро урушларидан тўсиб қўйдилар. У зот: «**Иймон**

**келтирғанлар Аллоҳнинг йўлида жанг қилурлар. Куфр келтирғанлар тоғутнинг йўлида жанг қилурлар. Бас, шайтоннинг дўстлариға қарши жанг қилинг. Албатта, шайтоннинг ҳийласи заифдир», деб ўқиб бердилар. Ана шунда улар гина кудуратни унудилар. Ўз душманларини эсдан чиқариб унга қарши курашиш ва уни душман тутишни унуганларидан сўнгина ўша кудуратлари ёдларига тушди. Натижада ҳаммага маълум ички урушлар ва фитналар содир бўлди.**

### **Миллатчиларнинг ташвиқотлари, уларнинг кичик халқларга берган зарарлари:**

Миллатчилар мамлакатнинг ичи ва ташқарисидан туриб кичик халқларга миллатчиликни безаб кўрсатдилар. Унинг адабиёти, тили, маданияти ва таълим тарбиясини мақтадилар. Миллатчилик, такаббурлик ва кеккайишлик туйғуларини ҳаракатга келтиришлик учун уларнинг тарихларини улуғладилар. Халқ эса ўзига маҳлиё бўлиб қолиб, қўрғонлари ўзларини ҳимоя қиласи деган хаёлга бордилар ва урушга ҳозирлик кўрмадилар. Оламдан узилиб қолдилар. Баъзан ўзларига мағрур бўлганидан катта давлатларнинг жиғига тегдилар. Ёхуд унга давлатлар хужум қилганидан сўнг бир ёки икки соат ичидан барбод бўлиб кетдилар ва ўз миллатчиликларининг ҳамда тор доиранинг ичидан чегараланиб қолганликларининг қурбонига айландилар. Ана ўша масъулларнинг уларга бир тийинлик фойдаси тегмади: «**Бу худди Шайтон инсонга, кофир бўл, деган пайтга ўхшайдир. У (инсон) куфр келтирганда эса, сен билан менинг ишим йўқ, деди**». Иккинчи жаҳон уруши даврида Эрон ва Ироқ, Польша, Бельгия, Голландия, Греция ва Даниялар шундай аҳволга тушиб қолган эди.

### **Катта давлатларнинг мақсадлари:**

Катта давлат бўлганидан сўнг ер юзининг каттароқ қисмига эгалик қилишни, гарчи саҳролару тоғликларда бўлса ҳам ўз байроғининг катта майдонларда ҳилпираб туришини, бошқа турли ўлкаларда ўзига қарам ва мустамлака мамлакатлар бўлишини ўзининг миллий вазифаси деб билади. Бу нарсада арзимас фойданинг ўрнига қўшиллар ва молу давлатлар сарф этиладиган, уни қўриқлашлик ва ишларини назорат қилиб туришлик ўзига қийин бўлса ҳам майли. Бу ишларнинг барчаси уларга ўзларининг маҳаллий шариатлари фарз қилган ишлар жумласидандир. Бунда улар учун ўзлари айтганлариdek «миллий шараф ва миллий буюклиқ»дан бошқа

ҳеч бир ахлоқий ғоя ва адабий самара мавжуд эмас.

Профессор С.Э.М.Жоуд миллий зафарни қуидагиша шарҳ қилган:

«Миллий буюклик дегани бу ўша халқнинг ўз рағбати ва ҳой ҳавасини эҳтиёж туғилган вақтда бошқаларга ҳам ўтказиш учун керак бўладиган қудратга эга бўлишидир. Миллий буюклик бўлмиш “баркамол халқ” деб атаётганларининг қабиҳ гап эканига унинг ахлоқий сифатларга зид келиши кифоя қилади. Мамлакатнинг фақат рост сўзлаши, ваъдаларига вафо қилиши, бечораҳолларга инсонга ўхшаб муомала қилиши фазийлатdir. Шунинг учун ҳам унинг буюклик даражаси бошқа халқлар наздида паст бўлади. Зотан шараф жаноб Балдун айтганидек: халқа буюклик ва ифтихорни олиб келадиган, одамларнинг нigoҳларини ўзига қаратадиган ва уларнинг онгини машғул қиладиган қудратга эга бўлишдан иборатdir. Маълумки бундай қудрат сабабли шу даражада шарафга эришадиган халқнинг шарафи тўпотар қуроллар ва бомбаларга, ана ўша бомбаларни шаҳарлар устидан ёғдиришни хуш кўрадиган ёшларнинг юртга садоқат ва муҳаббат қилишларига боғлиқ бўлади.

Шунинг учун бир халқнинг мақталишига сабаб бўладиган шараф бир шахснинг мақталишига сабаб бўладиган сифатлар ва ахлоқларга тўғри келмайди. Бас, менинг фикримча бу халқ ёввойи деб, шарафнинг ўзи эришган миқдорига лойик эмас деб ҳисобланиши керак. Чунки инсон ёки халқнинг ёлғон яшиқ, макру ҳийла ва зулм йўли билан эришган шарафи шараф эмасдир».

«Тамаъдан кўра кўпроқ кибр Британиядаги ҳукумрон табақани ўзлари ифодалаб турадиган сулҳпарварлик ва дўстликларига тўғри келмайдиган режалар ортидан юришларига ундейди. Британияда бир одам раҳбарларга ўша мамлакатнинг қўл остида бўлган қуёши ботмайдиган даражада иссиғи жазирама, ҳеч нарса эсмайдиган тақир қум тепаликнинг бир қаричидан воз кечиш таклифини билдирадиган бўлса Англиядаги консерватив қаҳрамонларнинг қаҳру ғазабдан дунёни бошларига кўтарганларининг гувоҳи бўласиз. Британиянинг мўътадил матбуоти ҳам ғазабдан портлаб кетганини кўрасиз. Демак ана ўша консерваторлар нафақат тамаъгир балки ўжар ва такаббур ҳамдирлар».

**Халқларнинг босқинчилик ва бозорлар борасидаги рақобати:**

Ана шу босқинчилік ва мустамлакачиликда баъзи халқлар илгарилаб кетган бўлса бошқалари орқада қолган бўлган. Кейин эса ўша орқада қолганлари рақобатни бошлаб ўз улушларини талаби билан чиққанлар ва ўзлари учун мустамлака ерлар, маҳсулотлари учун бозорлар, буюклик ва мақтov келтирадиган шарафлар ҳамда улар сабабли буюк империялардан саналиш йўлини излаб қоладилар. Аввалгиси бунинг йўлига тўғаноқ бўлиб кўнгли тусагани нарсага эришишига халал беради. Бунинг кичик халқларни ва мазлумларга ёрдам беришни ёмон кўришини даъво қилиб чиқади. Лекин кўпгина одамлар, ўзлари ҳам бошқалар ҳам, ана шу халқларнинг самимятларига, ниятлари холислигига, мақсадлари соғлигига шубҳа билан қарайдилар.

Профессор С.Э.М.Жоуд шундай дейди: «Англия фуқароси японлар сингари халқларнинг қаҳрларига қарамасдан адолатсиз қисматга олиб борадиган масалаларни билмай ё ўзни билмайдиганга солиб инглизларни тинчликсевар халқ деб ишонади ва японларни урушни яхши кўрадиган, қонхўрлар деб айблайди. Инглизларнинг тинчлик севар халқ эканлари шубҳасиз. Бироқ уларнинг тинчликсеварликлари ўзининг эски касбидан четлатилган, ўзининг аввалги ютуқлари туфайлидан шон шарафга, обрўга эришган ўғрининг тинчликсеварлигига ўхшайди. У ўзининг ана шу эски касбига янгидан кириб келганларни ёмон кўради. Унинг ўзи ишлатмайдиган ортиқча молу давлати ва ўлжалари бор. Аммо у ана шу ишда унга шерикчилик қилишни истайдиганларни урушқоқ деб лақаб кўяди».

Кўпинча ана шу икки халқлар хожалик ва эгаликда ўзиб кетганлар билан шу иккисини умид қилиб талпинадиган халқлар ўртасида уруш келиб чиқади. Аммо бу урушни золимни тийиб қўйишилик, мазлумга ёрдам беришилик, Аллоҳ азза ва жалланинг: **«Агар мўминлардан икки тоифа урушиб кетсалар, бас, ўрталарини ислоҳ қилинг. Агар улардан бири иккинчисига тажовуз қилса, сиз тажовуз қилганига қарши, то у Аллоҳнинг амрига қайтгунича урушинг, агар қайтса, бас, ўрталарини адолат билан ислоҳ қилинг. Одил бўлинг, албатта, Аллоҳ адолат қилгувчиларни суядир»** оятига амал қилган ҳолда адолатни тиклаш учун бўладиган урушга қиёслаш тўғри эмас. Бироқ бу уруш қизғанчиқлик ва рақобат урушидир, баҳиллик ва ҳасад урушидир. Ана шу урушларга бошчилик қилиб турган (ҳозирда йўқолиб кетган) Миллатлар жамъияти ҳам ва унинг ўрнига пайдо бўлган Бирлашган Миллатлар ташкилоти ҳам амир Шукайб Арслоннинг ушбу гаплари каби эди, холос: «Кенгликлар ўрнига сувсиз денгиз намоён бўлди. Адоватга қонунийлик либосини

кийгазишилик, исмларни ўзгартириш билан ҳарбий юришларга ижозат бериш учун вужудга келган эди. Унга ожиз ва бечораларгина итоат қиласи. Ҳаддидан ошган кучлининг устидан сўзини ўтказа олмайди». Ёки Доктор Муҳаммад Иқболнинг тили билан айтганда: «Кафандарни тақсимлаб олиш учун йиғилган ўғрилар ва наббошлар жамъияти» эди.

Англиялик профессор С.Э.М.Жоуд шундай деган: «Миллатлар ташкилотининг назорати остида бўладиган уруш полиция ходимига ўхшаб золимнинг қўлидан тутиб жазосини беришилик билан халқларнинг ўртасида адолатни жорий қилишига ўхшамайди. Бу урушлар куч қудратда бир бирлари билан рақобат қиласидиган, бири дунёнинг кўпроқ бойликлари ва маъданларига эгалик қилишни ўзида сақлаб қолишга ҳарис, бошқаси эса ўша нарсани қўлга киритиш учун жони ҳалак бўлган гуруҳлар ўртасида бўлиб ўтган урушлардан, олмонлар билан Пруссия нинг ўртасида урушдан (Ана шу рақобат ва очкўзлик урушида Франция, Испания, Англия, Голландиялар иштирок этишган. Мақсадлари Олмонияга қарашли бўлган ерлар ва бойликларни қўлга киритиш бўлган. Бу уруш 1740 йилда Олмон қироли Фредрих вафот этиб ўрнига унинг васияти ҳамда давлатларнинг ризолиги билан қизи Мария Тереза таҳтга ўтирганидан сўнг бошланиб 1748 йилга қадар давом этган.), етти йиллик урушдан (Бу уруш Франция, Россия, Швеция, Олмония, Бруссия ва Англия иштирокида бўлган. Баъзиларини ҳимоя қилиш ва баъзиларига хужум қилиш учун бошланган бу уруш 1756 йилдан 1763 йилга қадар давом этган), Наполеон урушидан ва 1914 – 1918 йиллар урушидан фарқ қилмайди. Ана шу урушнинг мазкур барча урушлардан фарқи фақатгина исмининг бошқача эканлигидадир.

Ушбу урушларнинг демократияни, Миллатлар иттифоқини ҳимоя қилиш, фашизм ва босқинчиликка қаршилик қилиш учун бўлган эди дея важҳ қўрсатиш ҳеч нарсани ўзгартириб беролмайди».

### **Солиқчи ҳукумат билан ҳидоятчи ҳукумати ўртасидағи фарқ:**

Ривоят қилишларича мусулмонлар халифаси Умар ибн Абдул Азиз бир гал ўз омилига қараб: «Ҳолинга вой бўлсин! Ахир Муҳаммад соллаллоҳу алайҳи вассаллам солиқчи қилиб эмас ҳидоятга бошлагувчи қилиб юборилганлар!»

деган эканлар. Бу жумлада нубувват кўрсатмаси асосига барпо этилган, анбиёлар йўлидан юрадиган, уларнинг чизиқлари ва сиёсатларига эргашадиган диний ҳукуматнинг руҳи ўз ифодасини топган. Демак бу ҳукумат динга, фуқароларнинг ахлоқларини ислоҳ қилишга, охиратда уларга фойда ва зарар келтирадиган нарсаларга эътибор қаратишга солик ва ўлпонлар, турли хилдаги йиғинлар ва кишимлар йиғишдан кўра кўпроқ аҳамият беради. Сиёсий иқтисодий масалаларининг барчасига диний нуқтаи назардан қарайди. Диний ва ахлоқий принципларни моддий манфаатлардан устун қўяди. Шунинг учун хамрга рухсат бермайди, зино, ахлоқсизликнинг барча кўринишларини, фужурни, жамият учун заарли ва айrim шахслар учунгина манфаатли бўлган бузук молиявий битимларни ҳаром қилиб судхўрлик ва қиморни ман этади. Бу иш сабабидан давлатга улкан иқтисодий зарар келадиган бўлса ҳам майли. Ислоҳотлар билан боғлиқ амалларни қонуний қилиб қўяди, ахлоқ устидан назорат қилиб туради, нафсларни поклашга диққат қаратади. Бу иш учун катта катта маблағ ва улкан бюджет сарф этиладиган бўлса ҳам майли. Ана шундай хилдаги ҳукуматларнинг оқибатини агар улар бирор бир юртда барпо этиладиган бўлсалар, Қуръон баён қилиб берган ва илк ҳижрат қилганлар буни яхши билганлар: «**Уларга ер юзида имкон берсак, намозни тўкис адо этарлар, закотни берарлар, яхшиликка буюриб, ёмонликдан қайтарарлар. Ишларнинг оқибати Аллоҳга оиддир**».

Тўғри йўлга бошлаш ўрнига солиқлар йиғиш, фойда бериш ўрнига фойда кўриш учун барпо этилган ҳукуматларнинг диққат эътибори ҳар хил ўлпонлар, йиғинлар ва ғаллаларга қаратилган бўлиши табиийдир. Бу нарса кўпинча ахлоқ, фазилатлар ва оиласвий низомларнинг ҳисобига бўладида, ҳар хил ахлоқсизлик ва фисқу фужурлардан кўпларига ўзлари тузадиган шартлар эвазига ижозат бериб қўяди ва ундан қайтармайди. Масалан қонуний босқинчиликка рухсат бериб қўйган бўлади. Баъзан ўзи ҳам судхўрлик қилиб, қиморга, кўплаб жиноятларга, ахлоқсизликка ижозат берган бўлади. Фақат ўзларининг манфаати учун уларнинг исмларини ўзгартиради ва баъзи бир нарсаларни чегаралаб қўяди. Айrim ҳолларда баъзи мамлакат аҳолисига ўзи экспорт қиладиган гиёҳванд моддаларни сотиб олишни мажбурий қилиб қўяди. Худди Оврўпонинг баъзи ҳукуматлари Осиёдаги Хитой аҳолисига қилганларига ўхшатиб. Натижада ўша маҳкум халқларнинг ахлоқига футур етиши, руҳи ва қалбининг бузилиши табиийдир. Ҳатто мамлакат аҳолисининг ахлоқ савияси ана шу ҳукумрон халқлар билан аралашиб ёнма ён яшаганларининг ўзи биланоқ тубанлашиб кетади. Моддий маданият дунёга келган Оврўпо қитъасида дунёга келган миллатчилик касаллиги уларга ҳам юқади. Бу нарсани

уларнинг ўзлари эътироф этганлар ва ундан азоб ҳам чекмоқдалар.

Зотан Оврўпо давлатлари ўзлари билан ғарбона бузуқ маданиятни ва унинг ёмонликларини олиб юрадилар. Ана шундай давлатларда фазилат ва ахлоқнинг гуллаб яшнаши, унинг соясида ва бошқарувида халқнинг ахлоқ савияси равнақ топишини қандай қилиб умид қилиш мумкин бўлади. Ахир ўша мамлакат ва ўша ватанларда у нарсанинг ўзи йўқ бўлса. Бу ишлар уларнинг вазифаси, дини ва эътиқод қиласиган нарсаси бўлмаса?! «Қозонда бори чўмичга чиқади». Подшоҳлар ва фотиҳларнинг йўллари ҳар доим анбиёлар, ҳидоятга йўллагувчилар ва ислоҳотчиларнинг йўлидан бошқача бўлиб келган. Қуръони карим Сабо маликасининг тили билан айтган қўйидаги аниқ ҳақиқат ҳеч қачон ва ҳеч қаерда ўзгармайди:

**«Албатта, подшоҳлар бирор шаҳар-қишлоққа кирсалар, уни вайрон қилурлар ва унинг азиз аҳлларини хор қилурлар. Ана шундай қилурлар»**